

SAKSPAPIR

Saksnr	Utval	Type	Dato
023/23	Plan- og kommunalteknisk utval	PS	15.03.2023

Saksbehandlar	ArkivsakID
Runar Ludvigsen	22/545

Forskrift om minsteareal for hjort

Vedlegg:

PTU sak 027_22 - Endringsforskrift om minsteareal for jakt på hjort i Osterøy kommune
NINA rapport

Søknad frå Lonevåg hjortevald - Forslag om nytt minsteareal, hjort

Rådmannen sitt framlegg til vedtak:

Forskrift om minsteareal for hjort i Osterøy kommune, FOR-2022-03-15-571, vert oppretthalde slik den ligg føre etter vedtak i Plan- og kommunalteknisk utval sak 027/22 datert 15.03.2022. Ein kan vurdere endring av forskrift når ein har hausta meir erfaring frå korleis dagens forskrift slår ut i praksis.

Planutvalet ber om rapportering og vurdering av korleis hjortejakta i 2022 enda, i lys av Hjorteforvaltningsplanen og ønsket om å redusera stamma på forsvarleg vis. Rapporten må koma før neste avgjerdstidspunkt for hjorteforvaltninga. Arbeidet må om nødvendig gjerast av innleigde ressursar og finansiert av Viltfondet.

Plan- og kommunalteknisk utval - 023/23

PL - behandling:

Utvalsleiaren satte fram slikt tilleggsframlegg:

"Planutvalet ber om rapportering og vurdering av korleis hjortejakta i 2022 enda, i lys av Hjorteforvaltningsplanen og ønsket om å redusera stamma på forsvarleg vis. Rapporten må koma før neste avgjerdstidspunkt for hjorteforvaltninga. Arbeidet må om nødvendig gjerast av innleigde ressursar og finansiert av viltfondet."

AVRØYSTING:

Rådmannen sitt framlegg vart samrøystes vedteke

Utvalsleiaren sitt tilleggsframlegg vart samrøystes vedteke

PL - vedtak:

Forskrift om minsteareal for hjort i Osterøy kommune, FOR-2022-03-15-571, vert oppretthalde slik den ligg føre etter vedtak i Plan- og kommunalteknisk utval sak 027/22 datert 15.03.2022. Ein kan vurdere endring av forskrift når ein har hausta meir erfaring frå korleis dagens forskrift slår ut i praksis.

Planutvalet ber om rapportering og vurdering av korleis hjortejakta i 2022 enda, i lys av Hjorteforvaltningsplanen og ønsket om å redusera stamma på forsvarleg vis. Rapporten må koma før neste avgjerdstidspunkt for hjorteforvaltninga. Arbeidet må om nødvendig gjerast av innleigde

ressursar og finansiert av viltfondet.

Saksopplysningar:

Saksopplysningar:

Plan- og kommunalteknisk utval vedtok 15.03.2022 gjeldande forskrift om minsteareal for hjort: FOR-2022-03-15-571 .

Det går fram av rettleiaren til «forskrift om forvaltning om hjortevilt» §6 at «forslag om endring av minstearealet fremmes innen 15.januar. En eventuell forskriftendring fastsettes av kommunen innen 15. mars».

Innan 15. januar 2023 har kommunen motteke ein søknad om endring av minsteareal frå Lonevåg hjortevald. Søknad ligg vedlagt saka. Det er ikkje komme inn nokre andre søknader, heller ikkje etter tidsfristen gjekk ut.

Lovgrunnlag

Forvaltning av hjortevilt, slik som f.eks. godkjenning av vald, tildeling av fellingstillatelser og godkjenning av bestandsplanar, er heimla i Forskrift om forvaltning av hjortevilt (Hjorteviltforskrifta). Minsteareal blir i Hjorteviltforskrifta omhandla i §6 og §7.

Ved endring av minsteareal blir det fastsett ei endringsforskrift som blir kunngjort og blir sendt til Norsk Lovtidend. Fristen for å fastsette ei endringsforskrift er 15. mars, jf. M478 side 11.

Kva er eit minsteareal

Minsteareal er storleiken på det teljande arealet i eit vald som skal leggst til grunn for kvart dyr det blir gjeve fellingsløyve på. Begrepet har to rettsverknadar: 1) Storleiken på det teljande arealet som normalt skal ligge til grunn for kvart fellingsløyve som jaktrettshavarane har krav på. 2) Arealstørrelsen på det minste samanhengande området som offentleg myndigheit kan godkjenne som et vald.

Det er ikkje heimel i forskrifta for å sette et minsteareal for tildeling av fellingsløyve (1), og eit anna minsteareal for å kunne opprette eit vald (2). Det er det same minstearealet som vil gjelde for begge delane.

Minsteareal blir fastsett av kommunen i ei forskrift i samsvar med §5 i Forskrift om forvaltning av hjortevilt.

Jf. forskrifta §7 kan kommunen ved tildeling av fellingsløyve på visse vilkår fråvike minstearealet med inntil 50 prosent. Fråviket gjeld berre for berekning av fellingskvote, ikkje for godkjenning av vald.

Det er ikkje heimel i forskrifta for å sette et minsteareal for tildeling av fellingsløyve (1), og eit anna minsteareal for å kunne opprette eit vald (2). Det er det same minstearealet som vil gjelde for begge delane. Fråviket gjeld altså berre for berekning av fellingskvote, ikkje for godkjenning av vald.

Krav til minsteareal i ein kommune

Det er mest vanleg med eit minsteareal per kommune. Men det kan fastsettast ulikt minsteareal i ulike deler av kommunen dersom det er vesentleg forskjell på beitegrunnlag, bestandstettleik eller skadepress.

I rettleiaren til Hjorteviltforskrifta går det fram at grensene mellom område med ulikt minsteareal bør følgje klare skiljelinjer i terrenget, Som eksempel blir nemnt vassdrag, snaufjellstrekningar m.m. Tilsvarande kan kommunen differensiere mellom område med vesentleg variasjon i bonitet og

produktivitet. Areal med høg produktivitet gjev mykje godt beite.

Ein er med desse presiseringane, som kom i 2016, for fastsetting av ulikt minsteareal blitt litt usikker på om soneinndelinga er innanfor føresegnene i Hjorteviltforskrifta § 6.

Difor må ein ved full gjennomgang av minstearealet for Osterøy vurdere om det er naudsynt å endre forskrifta slik at det blir tilpassa **kravet** for minstearealet som er oppgjeve ovanfor.

Vurdering

Rådmannen vurderer at det vart gjort større endringar av forskrifta for minsteareal for hjort i 2022 og at det på grunnlag av dette er for tidleg å gjere nye endringar/justeringar av denne forskrifta før ein har fått sjå effektane av denne. Ein endring på noverande tidspunkt vil difor vere vanskeleg å grunngje fagleg.

Uansett vurderer rådmannen det slik at det vil vere mogleg å imøtekomma ønskje og intensjonane i søknaden frå Lonevåg hjortevald innanfor det regelverket som eksisterer. Ein legg til grunn at fastsetting av minsteareal er det viktigaste verkemiddelet i reguleringa av bestands-storleiken. Minsteareal bør samstundes samordnast med dei øvrige verkemidlane for å nå kommunens mål i hjorteforvaltninga, til dømes: jf. Forskrift om forvaltning av hjortevilt §7 «fråvik av minsteareal» og §15 «krav til bestandsplan».

§7 i forskrift seier at fråviket frå minsteareal kan vere inntil 50%, dette gjeldt både 50% lågare og høgare, og rådmannen vurderer det slik at ein innanfor dette har godt nok med spelerom med dagens forskrift for Osterøy kommune frå 2022 som utgangspunkt.

Konklusjon

Saka vert lagt fram for plan- og kommunalteknisk utval for handsaming og avgjerd